

Surat khabar: Utusan Sarawak (Semasa)

Hari/Tarikh: 2/10/2013

Muka surat: 10

Tajuk : Pembangunan Sains Dan Teknologi Dunia Dibincang Di UNIMAS.

Pembangunan sains dan teknologi dunia dibincang di UNIMAS

FENNY SILONG

KOTA SAMARAHAN, Selasa — Seramai 40 delegasi antarabangsa termasuk negara Australia, Eropah serta New Zealand menyertai perbincangan mengenai pembangunan bidang pendidikan sains dan teknologi di negara masing-masing.

Menurut Pengerusi Persidangan Antarabangsa, Dewan Pertubuhan Antarabangsa Pendidikan Sains Elaine Horne, pihaknya memainkan peranan penting dalam menubuhkan pendidikan teknologi yang berkualiti.

"Menerusi persidangan ini, para delegasi boleh berbincang dan bertukar pendapat untuk mengembangkan pendidikan sains, teknologi dan matematik ke peringkat lebih tinggi juga mampan dalam masa akan datang," katanya.

Beliau berkata demikian ketika ditemui pemberita pada Persidangan Antarabangsa Mengenai Kerjasama Antara Negara Dalam Pendidikan STEAM di Universiti Malaysia Sarawak (UNIMAS) di sini, hari ini.



PANTAU ... Elaine Horne memantau satu daripada dua buah kumpulan yang terlibat dalam perbincangan mengenai pendidikan sains dan teknologi negara masing-masing sempena Persidangan Antarabangsa Mengenai Kerjasama Antara Negara Dalam Pendidikan STEAM di Unimas di Kota Samarahan, semalam.

Jelas Horne, pihaknya juga menyokong usaha Organisasi Pendidikan Sainifik dan Kebudayaan Negara Bersatu

(UNESCO) dan dibentangkan dalam bentuk kertas kerja.

Seramai 14 orang pembentang yang mahir dalam bidang

masing-masing di seluruh negara akan membincangkan topik berkaitan dengan kerjasama kokurikulum, kerjasama

budaya sains, pendidikan sains dan teknologi merentasi sempadan serta konteks sinergi masa depan.